

ՈՌՈՒԲԵՆ ՍԵՎԱԿԻ ԱԶԳԱՅԻՆ-ՔԱՂԱՔԱԿԱՆ ՊՈԵԶԻԱՆ

Վ. Ա. ԿԻՐԱԿՈՍՅԱՆ

1890-ական թթ. վերջերին արևմտահայ պոեզիան թեկնածուների զարգացման նոր փուլը: Թուրքիայի հասարակական-քաղաքական կյանքում, ինչպես նաև արևմտահայության ճակատագրի մեջ կատարված փոփոխությունները պայմանավորեցին այդ նոր շրջանի բովանդակությունն ու զարգացման ուղղությունը:

1895—96 թթ. հայկական կոտորածները և հետագա իրադարձությունները եկան հաստատելու, որ Համիդի կազմակերպած ոճրագործությունը մի քայլ էր՝ խնամքով մտածված և հեռուն զնացող հրեշավոր ծրագրի իրագործման ճանապարհին: Հայկական կոտորածներն սկսեցին պարբերաբար կրկնվել և առավելագույն չափերի հասան 1915 թ.:

Քաղաքական այդպիսի իրադրության պայմաններում արևմտահայ պոեզիան իսկապես դառնում է ժողովրդական տառապանքի ու ցավի, ընդվզումի և բողոքի տարեգրություն: Արևմտահայ պոեզիայի զարգացման նոր շրջափուլի սկիզբն ազդարարող ամենանշանակալից երևույթը դարձավ Սիամանթոյի «Դյուցազնորեն»-ը: Իսկ «Հայորդիներ», ապա նաև «Հոգևարքի և հույսի ջահեր» ժողովածուներով մեծ բանաստեղծը կանխատեսում էր պոեզիայի զարգացման նպագա ուղին: Այդ զարգացումը պիտի ընթանար կյանքի թելադրանքին համապատասխան, պոեզիան պիտի դառնար ժողովրդի հառաչանքի և հույսերի լեզուն, զեղարվեստական մի հուշարձան՝ ողբերգական ու հրաշունչ օրերի սարսափներն ու ողջ հերոսականությունը սերունդներին տանելու համար: Դարասկզբի առաջին տարիներին արդեն, Սիամանթոյի և Վարուժանի ստեղծագործության շնորհիվ, այս գիծը խորացավ ու բնութագրական դարձավ արևմտահայ պոեզիայի համար: Քաղաքական-հայրենասիրական պոեզիայի հին տրագիկաների հիմքի վրա կարճ ժամանակում ստեղծվեցին որոշակիորեն նոր տրագիկաներ, որոնց հետևորդներից մեկը եղավ Խուբեն Սևակը:

Սևակի քաղաքական-հայրենասիրական ստեղծագործությունները գրեթե բացառապես գրված են կիլիկյան կոտորածների անմիջական տպավորության տակ:

Հայտնի է, թե Սահմանադրության վերահաստատումն առաջին օրերին ինչպիսի խանդավառություն առաջ բերեց արևմտահայության շրջանում: Ողբ-վերքի պայծառ մթնոլորտում նոր կոտորածների բոթը պայթեց հսկայական ուժերի ուժով: Հանկարծահաս հարվածից մարդկանց մտքերը կարկամեցին մի պահ՝ չկարողանալով ըմբռնել կատարվածի բովանդակ իմաստը: Սեփական անմեղության, միաժամանակ շարիքին դիմագրավելու անզորության գիտակցությունը զայրույթի էր վերածվում ամեն մի հայրենասեր հայի սրտում:

Բնական է, որ բանաստեղծը առավել ցավագին պիտի ապրեր համազգային աղետի պատճառած վիշտը: Վարուժանի ահեղ ողբը՝ «Կիլիկյան մոխիրներուն վրա», Սիամանթոյի «Կարմիր լուրեր»-ը արդեն բացահայտում էին:

«ցավահեծ հոգու» անհուն կսկիծներ: Այդ կսկիծներից անմասն չմնաց նաև Սևակը:

Հայրենիքից հեռու, Ալպերի ստորոտներին կրկնակի ծանր ողբերգություն է ապրում նա: 1909 թ. մայիսին Լոզանից ուղարկված նրա մի նամակում կարդում ենք. «Երևկ խմբադրատան մը առջև խոնված բաղմունքուն մը դեպի հոն հրավիրեց քայլերս: Լուսատիպ նոր հասած նկարներ էին. հաղարավոր թըշվառներ ծովի ափին, անկողիններ եկեղեցիներու մեջ, ոտքեր, մարդու կտորներ, որովայնը պատուված և դուրս հանված երեսա մը իր մորը դիակին վրա, Միջերկրական ծովը դիակներով հարուստ, գետինները պառկած ծերունիներ, որբուհիներ, թշվառներ... Հայկ-ը, հայկ-ը, հայկ-ը... Սիրտս պատառ-պատառ՝ այդ հետաքրքիր բաղմունքյան մեջ թշվառ ցեղի մը միակ ներկայացուցիչը բլլալուս՝ կհեռանայի այդ արյունի զայրացուցիչ ցուցադրութենեն, երբ փոքրիկ խոսակցություն մը կեցուց դիս: Երկու աղջիկներ էին, յոթ և ութ տարեկան:

- Բ՛նչ են այդ պատկերները,— հարցուց փոքրը մեծին:
- Հայերը կջարդեն...
- Ինչո՞ւ՞:

Օտար բաղմունքյան անտարբեր հետաքրքրությունից խոցված բանաստեղծի ականջին մանկական անմեղ ու բնական հարցը հնչում է ամպրոպի ուժգնությամբ: Դա այն առաջին հարցն էր, որ անխուսափելիորեն պիտի ծառանար ժողովրդի բախտով ապրող ամեն մի հայրենասերի առջև: Ինչո՞ւ էր, իսկապես, այդքան արյունոտ հայի ճակատագիրը, ո՞վ էր մեղավոր այն վիթխարի եպանդի համար, որին քաղաքակիրթ աշխարհը նայում էր քար անտարբերությամբ: «Շվարած, քարացած, ապշած մտածեցի այդ մեծ ինչու՞ն,— ներքին դառնությամբ ու վրդովմունքով շարունակում է Սևակը,— այդ կարմիր ինչու՞ն, որ յոթ տարեկան անգետ աղջնակի մը հոգիեն կպոռթկար: Հեղափոխական այդ հսկա ինչու՞ն իր բերանեն կծայթեր այնքան բնական, որքան վճիտ ջուրը իր ակեն՞ս:

Սևակի վրդովմունքն, իհարկե, անիմաստ չէր, ոչ էլ անհասցե նրա զրսոված բողոքը: Նա ըստ էության առաջ է քաշում արմատական մի հարց, որ ինչպես միշտ, հայ ժողովրդի պատմության մեջ այնքան հաճախակի օրհասական պահերին, այնպես էլ այդ օրերին հրամայաբար լուծում էր պահանջում: Արհավիրքին դիմադարձ կանգնելու անհրաժեշտության թելադրանքն էր դա: Այնուամենայնիվ բանաստեղծը ստիպված է արձանագրելու դառն ճշմարտությունը. «Քանիներ մեր մեջ, բոլոր «տարեց»-ները, «շնորհքով» մարդերը, ազգին «խելոք»-ները, տակալին չեն մտածած այդ նախնական հարցումին վրա, որ մանկական ուղեղը կտանջե: Ա՛խ, որովհետև այդ ինչու՞ն հսկա անկյունաքարն է հեղափոխության, և որովհետև այդ բառի տակեն կրնան անհաճո բաներ դուրս գալ իրենց շահուն համար, ինչպես կարիճներ՝ քարի մը տակեն»³:

Այսպիսով, Սևակը հենց սկզբից ժողովրդի բնահանուր զանգվածից առանձնառնում է հասարակական մի խավ, որ թեև հավակնություն ուներ ազգի բախտը տնօրինելու, իրականում, սակայն, անտարբեր էր վերջինիս տառա-

1 «Ազդակ», 1909, № 23:

2 Նույն տեղում:

3 Նույն տեղում:

պանքների հանդեպ: Հասարակական խնդիրներում այսպիսի զգաստ դիրքորոշումը դադարաբաժան ուղղվածություն է հաղորդում Սևակի ազգային-քաղաքական ստեղծագործություններին:

«Ջարդի խենթը» պոեմի հերոսը քահանա հոր կողմից տնից արտաքսված անօթևան մի թափառական է, որին «խենթ» է հռչակում միջավայրը: Փոխաբերական պատկերում քահանան ներկայացնում է ոչ միայն ռեակցիոն հոգևորականությունը, այլև ընդհանրապես ստրկամիտ այն միջավայրը, որի նշանաբանը հնազանդության կործանարար քարոզն է եղել միշտ: Ավելի պերճախոս մի այլաբանություն է պոեմն սկսող պատկերը: Խենթը հոր արյունաշաղախ դիակն ուսին քայլում է «ջարդվածներու դաշտին վրա»: Զուգամ քահանայի դիակը խորհրդանշում է ազատատենչ հոգիների վրա ծանրացած համակերպության դարավոր հորդորը: Հատկանշական է, որ Խենթը տարօրինակ բեռան ծանրությունից ազատվում է միայն պոեմի վերջին տեսարաններում, երբ հեղինակը ուղղակիորեն հռչակում է ակտիվ դիմադրության ու բացահայտ պայքարի իր հավատամբը:

Խենթի խելագար քրքիջը, որ ուղեկցում է պոեմի ընթացքին՝ սկզբից մինչև վերջ, դառն մի հեղինանք է՝ ուղղված «այս ապուշ կյանքին խելոքներու» հասցեին: Դրանք հենց այն «շնորհքով մարդերն» ու «ազգին խելոքներն» են, որոնց դեմ ուղղված էր Սևակի արդար վրդովմունքը: Դամոկլյան սրի մըշտական սարսափի տակ «շտեմարանին գոհ ուռցնող» ծանծաղամիտ սոփեստների վրա է ընկնում առաջին հերթին համաժողովրդական աղետի պատասխանատվությունը:

Քոլուր խելացի մարդիկներն ահա՛.
Ահա՛ խելոքներն այս ապուշ կյանքին,
Ահա անոնք, որ իրենց ծանր հոգին
Համբիշ փաշելով կ'գրոսցրենին,
Ու նվիրումով մը աստվածային՝
Կիրակին անգամ մը բերանով ծոմ
Տիրամուր առջև կրսպառնին մոմ,
Շարաք մը ամբողջ, անվախ, անհամա՛ր,
Շնալու, սակու, գողնալու համար:

Պարոնյանի, Զոհրապի, Օտյանի ռեալիստական ստեղծագործությունները հիշեցնող այս պատկերը վերջնականապես պարզում է հեղինակի գաղափարական ելակետը: Սևակն իրավացիորեն շարիքի արմատները փնտրում է սոցիալական կառուցվածքի մեջ՝ ազգային-քաղաքական հարցը դիտելով սոցիալ-դասակարգային տեսանկյունից: Ազգային ու սոցիալական հարցերի այս անխզելի միասնությունն իբրև բնորոշ գիծ դրսևորվում է նրա հայրենասիրական ստեղծագործությունների ամբողջ շարքի մեջ: Սևակը հետևողականորեն զարգացնում է այդ գիծը: Դա երևում է նաև հեղինակի իսկ խոստովանությունից, երբ նա փորձում է բնութագրել իր «Կարմիր գրքի» գլխավոր միտումը: «Ամիս մը Կիլիկիա» հատորի հրատարակության առթիվ Արշակունհի Թեոդիկին ուղղված մի նամակում բանաստեղծը գրում է. «Առանց շաղակրատ հառաչանքի, առանց փռուռույց երեմիականներու, առանց բանաստեղծության այդ գիրքը սրտիս մխվեցավ տեգի պես: Ցավին գիրքն է այդ, ավելի ճիշտ՝ Զայրույթին գիրքը: Ու ես մխիթարվեցա հոն գտնելով այն էական միտքը, զոր ջանացեր էի դնել «Կարմիր գիրք»-իս մեջ: Այո, հարգելի հեղինակուհի, հացը աշխատո-

դինը չէ, հացը գողացողինն է. ու մեռնողի իրավունքը մեռցնողեն հարցնելը եղերական անմտություն մըն է»⁴:

Սեակն ստեղծագործության նյութ դարձնելով մայր ժողովրդի արյունոտ ճակատագրի թեման, մոռացության չէր տալիս սոցիալական այն բարդ հարցերը, որոնք ընդհանրապես նրա ստեղծագործության առանցքն են կազմում. նա միայն պատմական թարմ իրադարձությունների լույսի տակ էր դիտում այդ հարցերը՝ միշտ աչքի առաջ ունենալով հայ ժողովրդին հասած արհաւիրքի ամբողջ ողբերգականությունը: Պատահական չէ, որ «Կարմիր գիրք» ընդհանուր խորագրի տակ են գետեղված բնույթով տարբեր այնպիսի ստեղծագործություններ, ինչպիսիք են մի կողմից «Ջարդի խենթը» և «Թրքուհին», մյուս կողմից «Մարդերգություն» պոեմները: Հեղինակն, անշուշտ, նկատի է ունեցել այդ գործերի բովանդակության ներքին ընդհանրությունները:

Սեակի համոզմամբ հասարակության ներքին կառուցվածքի աններդաշնակությունը շարիքի աղբյուր է եղել հայ ժողովրդի բազմադարյան պատմության բոլոր էտապներում: Դարեր շարունակ կույր հավատի և քրիստոնեական հեգեոնության շղթաները կաշկանդել են ժողովրդի ակտիվ պայքարի ուժերը, իսկ դա միշտ էլ ձեռնառու է եղել հասարակության պորտաբույծ խավերին: Սեակն այս միտքը, այլաբանական պատկերների միջոցով, զարգացնում է «Հայ դատիկ» լեզենդում:

Լեզենդի հիմքում ընկած է Արտավազդ արքայորդու մասին հայտնի ավանդությունը, որ հեղինակը մեկնաբանել է յուրովի. Արտավազդի շղթաները դարձել են դարավոր բռնության խորհրդանշան, իսկ ինքը՝ հերոսը, ժողովրդի բանտարկված հույսը: Հետեւելով իր նախասիրած ձևին, Սեակը ժողովուրդ հավաքական հասկացությունը սիմվոլացրել է ալեհեր ծերունու կերպարի մեջ: Անհիշելի ժամանակներից ի վեր ծանր մուրճով հարվածել է նա սալին, հոգնել է, բայց «տոկացել է դարերուն»: Ու «գեղջուկներ բարի, խեղճուկներ բոլոր» անհուն երկյուղածությամբ ունկնդրել են մուրճի ձայնին, որպես «ավետաբեր զանգի»: «Սարի անեծքն է», — եղել է նրանց միամիտ հավատը, և անմոռնչ տոկացել են հոգևոր բռնությանը: Լեզենդական արքայորդուն տրված «հայահեծ» մակդիրը խոր իմաստ ունի. կարծես ճակատագրի դառն հեղանջով ժողովուրդն ինքն է դարերով ամրացնում կաշկանդված ազատության շղթաները...

Նախադրած հարցի պատասխանը, սակայն, սրանով չի սպառվում: Սեակն ստեղծում է կոտորածի ու մահվան, արյան ու մղձավանջի սարսուղեցող պատկերներ, որոնք հուշում են իրական ճշմարտությունը: Հայ ժողովուրդը դիվա-նագիտական խաղերի զոհն էր այն պետությունների, որոնց շահերը խաչաձևվում էին հետամնաց և բարբարոսական Թուրքիայում: Վերջինս ստանձնել էր դահճի դերը և, օգտվելով քաղաքակիրթ կոշված աշխարհի անտարբերությունից, իր դարավոր հաշիվներն էր մաքրում անգլեն ու անպաշտպան մի ժողովրդի հետ: Սեակի գայրույթն ուղղված է ոչ միայն նրա, այլև «մեզնով հափ-բացած շան ոհմակներու» եվրոպական տերերի դեմ:

ՍԵԼԵ՝ Բի՛ն ուխտերու նոր ուխտագնաց,

ՍԵԼԵ՝ Սուսեր բիրտ ու Կի՛ր՛ն օրինաց.

ՄԵԼԵ՝ Յասման ջրվեժը սարի կողմն.

ՄԵԼԵ՝ աղջամուղջի ծնունդ լուսեղեն...

⁴ «Ամենուն տարեցույցը», 1911, էջ 218:

Ձեզի. որ ֆերված մեւ մորերեն ձիգ
 Հարսնիքի. Մեզի վրանեն կառուցիք...
 Աւ Ձեզ՝ եվրոպան դիք. որ շնագին
 Սովարկեցիք մեւ արշան լուրջան գին...

Որքան դիպուկ է ասված. իսկապես, նրանք իրենց ստոր նպատակների համար սակարկության դրեցին մի ամբողջ ժողովրդի անմեղ արյունը: Ո՞վ շահեց զրանից: Առաջին հերթին, իհարկե, թուրքիան, որովհետև հնարավորություն ունեցավ վերջապես լուծելու տարիներին ի վեր իր դադանային մոլուցքը զրգռող հարցը: Եվ իրավունք ունենալով հաճապես թալեաթը հետագայում պարծենալու, թե ինքը երեք ամսում այնքան բան արեց, որքան չէր կարողացել անել Սուլթան Համիդը իր գահակալության երեսուն տարիների ընթացքում...

Արդարացված է, ուրեմն, Ջարդի հենթի, որ նույնն է թե հեղինակի, ահռելի բողոք՝ ուղղված ամենքի ու ամեն ինչի դեմ: Եղեոնը կատարված էր և դրա համար հավասարապես մեղավոր էին ինչպես թուրք մոլեռանդ խուժանը, այնպես էլ համբուրություն քարոզող հայ «խմաստունները», ինչպես բարեկամի դիմակ հագած Եվրոպան, այնպես էլ ողջ մարդկությունն ու աստված: Վրեժ ու միայն վրեժ է տենչում հենթի: Եվ նրա համոզմամբ գալու է վրիժառության օրը: Խենթի երևակայության մեջ հնչում է գալիք սերունդների առնական երգը.

Ահա մենք կու գանք, ահեղակոռով
 Մեւ հույսին կռահիք ռաշաաառենում
 Խոսեցրենլու անանուն կոռած
 'Իւրեզմանոցներն համայնատարած...
 Ահա մենք կու գանք. ու մենք եզովք ենք,
 Աւ խավարին մեջ մխված տեղը ենեզ.
 Վրեժներու հիդրան ենք փայփայլի,
 Մե՛նք, սաբսափահաւ ու սաբսափելի...

Ցավի, գթության, անեծքի տեսարանները հաջորդում են միմյանց: Ստեղծվում է մի տեսակ խոռվքոտ ու գերզրգույն վիճակ: Մտքի, զգացմունքի և առհասարակ հոգեկան զործունեության բոլոր օղակների գերազույն լարվածությունը, որ բխում է անմիջական տպավորությունների ցնցող ուժգնությունից, բանաստեղծի մոտ երբեմն երևան է բերում ներքին ուժասպառություն: Այդպիսի դեպքերում Սևակի երգը հնչում է թախծոտ ու տրտում՝ մեղեդիներով: «Ո՞վ իմ հայրենիքս» գեղեցիկ բանաստեղծության մեջ ալպիական բնաշխարհի տեսարանները արտասովոր խոհեր են ծնում «հայրենահալած քերթողի» հոգում: «Երազ ափերն ու լազվարթ ալիքները» այլևս նախկին հրապույրը չունեն նրա համար, որովհետև օտար են նրանք և չեն հասկանում իր վշտի լեզուն: Բանաստեղծին մնում է միայն քայլել մոլորուն՝ ակամա ժպտալով օտարի երեսին՝ սրտի վերքերը ծածկելու համար, մնում է թափառել սառը երկինքների տակ, անհաղորդ օտար գեղեցկություններին.

Փաւե՛: Մի՛նչն է՛րբ... Փալե կուրուեն.
 Փալե մի՛նչն որ արեն հրակեզ
 Իւ մարք մտեն նորեն ու նորեն՝
 Աւ օ՛ր մը այլե՛րս չի ծագի ֆեզ...
 Բարե՛...: Կյա՛նքն է այս...: Փալե՛ կուրուեն...

Լավագույն կյանքի հեռանկարը կորցրած բանաստեղծն այլևս անկարող է սփոփիչ երգով հավատ ներշնչել լքված հոգիներին («Ինչպես երբեմն»): Նա

գիտակցում է իր պարտքը ժողովրդի հանդեպ, զգում է իր վրա հառած հույսով լի հազարավոր հայացքներ, որոնք «թափառական թրուպատուրի վայրագ, վես» երգ են պահանջում իրենից, բայց՝

Քերթողք. ծեփ. չը խոսեցավ: Ան կուլա՛ր...

Վհատության այս պահերին բանաստեղծի դեմ հաճախ է հառնում հնավանդ հայրենիքի կերպարը: Հայաստանը դառնում է նրա բոլոր մտորումների աղբյուրը, ուրախությունների ու վշտերի հանգրվանը: Գրեթե իր ամբողջ ստեղծագործական կյանքն ապրելով հայրենիքից հեռու, Սևակը միշտ էլ հոգու բուլոր թևերով կապված է եղել նրա հետ: Թափառել է նա Հեմանի ափերին, բայց հոգին միշտ ծփացել է Վանա ծովի կարոտով, նայել է Ալպերի ձյունապատ գագաթներին, բայց տեսել է ալեհեր Մասիսը, ապրել է բովանդակ մարդկության տառապանքով, բայց ամենից շատ ու ամենից առաջ նրան հուզել է մայր ժողովրդի ճակատագիրը: Նրա լավագույն բանաստեղծությունները արյունոտ օրերի գեղարվեստական ճշմարտացի տարեգրության արժեք ունեն: Ահա «Հայաստան»-ը, գեղարվեստական կատարելության հասցված մի բանաստեղծություն, որտեղ ընդամենը վեց տողով հեղինակն ստեղծում է մի ամբողջ ողբերգական իրականության պատկերը.

Ո՛վ կուլա այսպես խշտակիս շեմին.

—Քո՛ւյր, դաբիւն է, բա՛ց...

Կմա՛խք մը կանցնի դուռեն լալագին.

—Սովն է, դուրդ բա՛ց...

Տապա՛ւրն է ջախջախ դրանքս կուրծին.

—Ձաբդն է, դուրդ բա՛ց...

Ջերմ տողեր է գրել Ավ. Իսահակյանն այս բանաստեղծության մասին. «Այս նամակիս հետ ուղարկում եմ մի ոտանավոր,— կարդում ենք Չոպանյանին ուղղված նրա մի նամակում,— որ 1913 թ. Հոգանում մեր եղբորաբախտ բանաստեղծ Ռուբեն Չիլինկերյան-Սևակը գրեց իմ ծնցատետրիս մեջ...: Պարտք եմ համարում տպագրության հանձնելու, մի գուցե չկորի այս գեղեցիկ բանաստեղծությունը»:

Իսկապես, բանաստեղծական այս պատկերը զարմանալի շարժուն է. այն ներկայացնում է ոչ միայն առօրյան, այլև պատմությունը մի ժողովրդի, որ օրորոցից ճաշակել է պանդխտության դառնությունը, սովի թշվառությունը և, վերջապես, ջարդի սարսափը: Այսպես է եղել դարեր շարունակ: Եվ եթե մենավոր բարդին ու հեռվում սպիտակին տվող Մասիսը վաղուց ի վեր դարձել էն հայկական բնակեցրի անբաժանելի տարրերը, ապա պանդխտությունը, սովն ու կոտորածը հայկական կյանքի խորհրդանշանի արժեք են ստացել...

Սևակի ազգային-քաղաքական բանաստեղծությունները, ներքին տառապանքի ու վշտի արտահայտություն լինելով հանդերձ, միաժամանակ առաջադրում են առողջ ու հրատապ գաղափարական սկզբունքներ: Նա ցավում է մարդկության համար, դադանակերպ դարձած մարդու համար, ցավում է մեռած աստծո համար, որի դիակի զարշահոտությունով ապականվել է «Միր-Կաթիններու երազն անհատակ»: Մարդկության լավագույն բախտի երազով

ապրող բանաստեղծը սրտի խոր ցալով ընդգծում է այն ճշմարտությունը, որ եթե «ապրիլ կուզե գառը նորածին, պետք է իր ակռան սրե լռելյայն», որովհետև՝

...Ինչն ահ, որ կր ծնկե ահով
Ձի րուրն ավելի արդար է խաչեն,
Ձի կյանքն անոնց է միայն, որ ֆաջ են,
Անոնց, որ կասլուին ուրիշի մահով...
(«Ձանգակեն՝ր, զանգակեն՝ր...»)

«Աղոթքի փոշով» պարուրված զանգակները, որ կարկամել էին արյունի ու մահվան ահավոր խրախճանի դիմաց, դառնում են ժողովրդի դարավոր ցավի և ըմբոստացման խորհրդանշանը.

Հոգիս հազար խուլ զանգակներով
Դռնացեմ, զանգեր, ու կատաղուրեն
Դահլիճեմ ձեր երկար քառեն,
Ուրկե միայն լալ գիտցա՞մ դաբերով...

Ակտիվ դիմադրության անհրաժեշտության ընդունումը մայր գաղափար է դառնում Սևակի ազգային-քաղաքական ստեղծագործությունների համար: Այնտեղ, ուր սուրն է վճռում հարցը, հնազանդության ու հանդուրժողականության քարոզը հող կարող է լինել միայն շարիքի համար — այս համոզմունքը բանաստեղծին մղում է դեպի ըմբոստացման ու վրեժի ուղղակի կոչը: Այդ նույն խնդիրն է դնում Սևակը նաև հայ մամուլի առջև. «...Հայ ընդհանուր մամուլը, — գրում է նա՝ դժգոհելով սյուսահայ մամուլի և մտավորականության պասսիվությունից, — սուգին սևով պիտի պատվեր կամ արյունի կարմիրով պոռթկար և կամ, — եթե չէր կրնար ամեն բան ըսել, — լռեր... գոնե սա հուսահատեցուցիչ, ծայրահեղորեն հոռետես, ջլատ, տրտում դամբանականները չգրեին: Անոնք, որ մեռան գիտակցորեն, դուցազնորեն, անոնք ո՛չ արցունքի պետք ունին, ո՛չ վարձու կեղծ լալկաններու, ո՛չ խրատի»⁶:

Սևակի պահանջը ոչ թե օրվա տիրող մտայնության հետևանք էր միայն, այլ ուներ նաև սկզբունքային նշանակություն: Կյանքի մեջ գրականության ունեցած դերի, նրա բովանդակության ու գաղափարական ուղղվածության հարցն էր դնում Սևակը: Նման մտահոգություններ ունեին նաև արևմտահայ մյուս հեղինակները, և դա բխում էր գրականության զարգացման տվյալ փուլի առաջնահերթ պահանջներից: Պատահական չէ, որ գրականության զարգացման ուղղությունների և ընդհանրապես նրա ապագայի հարցերը ամենալայն քննության առարկա են դառնում հատկապես այդ օրերին: Փոխվել էին ժամանակները, շատ բան էր փոխվել ժողովրդի բուն իսկ ճակատագրի մեջ, առաջ էին եկել գեղարվեստականության նոր շափանիշներ: Գրականությունը, եթե ուզում էր համընթաց գնալ կյանքի հետ, պիտի հաշվի առներ այս ամենը: Անհրաժեշտ էր նոր խոսք ոչ միայն գեղարվեստական գրականության մեջ, այլև մտավոր մշակույթի բոլոր բնագավառներում: Այս իմաստով պիտի հասկանալ նաև Սևակի այն պահանջը, թե «մենք նոր միտքեր, նոր սիրտեր, նոր հոգիներ պիտի դարբենենք: Մեզի կարմիր ու մսուտ շուրթերով, ուժեղ ու ժպտուն գրականություն մը պետք է: Մեզի առողջ ու երիտասարդ մտավորականներ պետք են»⁷:

⁶ «Ազդակ», 1909, № 23:

⁷ Ռ. Սևակ, Բժիշկին գիրքին փրցված էջեր և քերթվածներ, Փարիզ, 1946, էջ 129—130:

Այն կրքոտությունը, որ հանդես է բերում Սևակը նման հարցադրումների ժամանակ, քմահաճ ու անտեղի չէ, այլ բխում է իրերի կոնկրետ վիճակից: Նորի առաջադրումը միշտ էլ ինչ-որ չափով ենթադրում է նաև ժխտումը այն հանգիստի, որն այլևս չի կարող բավարարել ժամանակակից պահանջները: Կյանքի առաջադրած հրամայական խնդիրների բարձրությունից Սևակը քննադատում է իսկական դրականության դարդացումն արգելակող քարացած նորմաները. «Գառնուկի պես անզեն ցեղ մը ամեն օր, ամեն ժամ կհռչակուի: Իսկ մեր դամբրունները խելոքներ, փիլիսոփայացիներ, քաղաքակրթիկներ են, տիեզերական եղբայրության խոսքեր կրեն մեզի ու կերպողեն այն հեռավոր օրվան, ուր զայլ ու գառնուկ մեկտեղ կարածվին... Որբուկի պես անտեր ցեղ մը հուժկու ու լուսեղ ու սրտաբուխ բարբառի մըն է ծարավ: Իսկ մեր դրագետները հանելուկացին, առեղծվածացին, խավարակուռ բաներ կրսեն իրեն, ու մեր քերթողները՝ զրիչներն հայ արյան մեջ թաթախելն վերջ չինարեն տաղեր կգրեն, որպեսզի մարդ չհասկնա...»⁸:

Ժողովուրդը մաքառում էր կենաց ու մահի սահմանագծի վրա. ամեն մի հասպաղում կարող էր կործանարար լինել: Այս իրողության խոր գիտակցությունը Սևակը վճռական բեկման պահանջ է դնում: «Հեռու մենե, ախտագին մտավորականներ,— գրում է նա,— դուք ցեղին ուղեղն եք. բայց երբ այդ ուղեղը ուրիշ կերպ չի կրնար խորհիլ, քան հուսահատեցնելով մեր կենսունակությունը, մենք պիտի փրցնենք ու նետենք այդ ուղեղը...»⁹:

Բանաստեղծը վերջնականապես ու հստակորեն ձևակերպում է իր գրական հավատամքը՝ «Գրականություն մը տխուր ըլլալու համար պետք չունի անպայման լալկան ըլլալու»¹⁰,— գրում է նա՝ հեռվից հեռու կարծես արձագանքելով մեծ Պարոնյանի հայտնի խոսքերին:

Փեղագիտական այս սկզբունքները Սևակը հաջողությամբ կիրառում է ստեղծագործական սյրակտիկայում. նրա կերտած ամենատխուր պատկերներն է մեջ անգամ զգալի են ոգու արիության զգաստ շեշտեր.

Քե՛զ, ցասումի վայրագ եկղե՛ղ զաճավե՛ծ,
Արդարության փայփայլի մուր երե՛շ,
Խավարների աճե՛ն ու ծնունդը՝ Վե՛ր՝ժ,
Ողբո՛ւյն. տաղեր՛քս բեզի...—

Կտրուկ բացականչում է Սևակը, և հավատում ես նրան: Նա ընթերցողի ներաշխարհն է խուժում մորիկի պես և ժամանակ չի տալիս խորհելու: Շիկացած տրամադրությունը վեր է ածվում հրամայական պահանջի: Մոխրին պետք է տալ «սրտի վերքերն ախտագին», «ամենուն վերքը», նույնիսկ «անսահման վերքը աղգին» ու վառվել միայն «արդարության ծարավով»: Թող հայրենիքի կուրծքը ակոսեն «փրփրաբաշ ու ասպաղեն երիվարները», հայրենի արյունոտ դաշտերի վրա թող փոթորկի ազատաբեր կոիվը: Բանաստեղծը դառնում է «մութ շանթերու սերմնացան», որ արյունով լի ակոսների մեջ վրեժի երգեր է ցանում: Եվ նա լիահույս է, որ իր «ցանքեն» անվիճելի առաքյալներ կծնվեն...

⁸ Նույն տեղում, էջ 128—129:

⁹ Նույն տեղում, էջ 129:

¹⁰ Ռ. Սևակ, *Երկեր*, Երևան, 1955, էջ 241:

Վրիժառու հերոսի կերպարը հաճախ է երևում Սևակի ստեղծագործության մեջ, բոլոր դեպքերում մնալով, սակայն, ռոմանտիկական գաղափարատիպի շրջանակներում: Այդ հերոսը հեղինակի ձգտումների կրողն է, որ մեծ մասամբ նույնանում է նրա էության հետ, երբեմն էլ դառնում սիմվոլ՝ նման դեպքերի համար հատկանշական բոլոր պայմանականություններով հանդերձ: Հերոսը բարձրանում է շրջապատից, որոշ իմաստով հակադրվում այդ շրջապատին՝ կրելով բացառիկ անհատի հատկանիշներ: Կարելի է հիշատակել «Կարմիր գրքում» զետեղված «Թրքուհին», «Ջան» անավարտ պոեմը, «Ցավո» բանաստեղծությունը: Վերջինը, մանավանդ, շատ բնորոշ է այդ տեսակետից:

Ցավոն իսկական գաղափարատիպ է, իդեալական մի հերոս, որի մահապատժին նախորդող պահերի դրամատիկ վիճակը դարձել է բանաստեղծության նյութ: Ավանդական խաչով հերոսին է մոտենում սեվասքեմ քահանան, որի կեղծ հորդորները իբրև անարգանք են հնչում մահապարտի հասցեին: Մի քանի դիպուկ գծերով Սևակը բացահայտում է վերջինիս ներաշխարհում կատարվող ահավոր բախումները:

Մարմինը զոդաց շղթաներու տակ.
Պիտի ուզե լալ. բռնի մ'ալլանդակ
Թո՛ւնեռու խորեն պոռկաց շվառուն.
Երբ խաչը դիպավ կապույտ շրթներուն...

Այս վիճակում Ցավոն դառնում է հենթի հոգեկիցը, որոշ իմաստով նույն ինքը հենթը այլ միջավայրում: Նա դադարում է ապրող անհատականություն լինելուց և հանդես է գալիս իբրև որոշակի գաղափարների կրող: Տառապանքից է ծնվել նա, միաժամանակ նույն տառապանքն է՝ մարմին առած: «Ցավո» պայմանական անվանումն իսկ ցույց է տալիս, որ ժողովրդի դարավոր ցավն է լեզու առել հեղինակի գրչի տակ: Ցավոն հանրության սիմվոլ է և կրում է իր մեջ մաքառող ժողովրդի ըմբոստ ու ցավատանջ հոգեբանությունը:

Բանաստեղծը միաժամանակ իր ժողովրդի պատմական բախտի փրկսուփան է: Ի՞նչ է ժողովուրդը, որտեղի՞ց է եկել նա, ո՞ւր է գնում, ո՞րն է եղել նրա գոյության կուլանը դարավոր մաքառումների ճանապարհին, ո՞րն է նրա հարատևման դատնիքը, — ահա խոհեր, որ պաշարում են ամեն մի ստեղծագործողի, մանավանդ արհավիրքի օրերին, երբ ահավոր անողորմությամբ դրվում է ժողովրդի գոյության կամ շրջության հարցը: 1900-ական թթ. այս մտահոգությունը հատուկ էր ինչպես արևմտահայ, այնպես էլ արևելահայ գրեթե բոլոր ստեղծագործողներին: «...Ո՞րն է էս ժողովրդի պատմական ճանապարհը, սրա գոյության խորհուրդը, ի՞նչ է կամենում սա, սրա ոգին: Եվ ո՞ւր ուրոնենք էդ ոգին...», — խորհում էր այդ օրերին Թումանյանը: «Մի՞թե վերջին պոետն եմ ես, վերջին երգիչն իմ երկրի», — տագնապով մտորում էր Տերյանը՝ արհասական ներկայի և, իր խոսքերով ասած, «խոշոր, գուցե ճակատագրական գալիքի» սահմանագծին: Այդ նույն մտահոգությունն էր, որ ստիպում էր Վարուժանին պեղելու «ցեղին սիրտը»՝ մայր ժողովրդի գոյության առեղծվածը պարզելու համար...

Այս ամենից բխում է, որ հայ ժողովուրդն իսկապես կանգնած էր պատմական մի փորձության առջև՝ կամ պիտի անհետանար կամ իր դարավոր մշակույթի հիման վրա ստեղծեր նորը և մտներ ժամանակակից զարգացած ազգերի ընտանիքը: Մայր ժողովրդի բախտով ապրող բանաստեղծը չէր կարող

լուծված անցնել այս երկրնորանքի կողքով: Տերյանն առաջ էր քաշում «հոգևոր Հայաստան» ստեղծելու խնդիրը, Վարուժանը ձգտում էր ոգևորել մարդկանց հեթանոս դարերի մոռացված գեղեցկություններով, հավատ ներշնչել գալիքի հանդեպ, Սևակը շեշտում էր «այսուսերման վտանգին մի նոր «վերածնունդ» հակադրելու անհրաժեշտությունը և բացականչում՝ «մեզի նոր Ոսկեդար մը պետք է, նոր Ոսկեդար մը...»¹¹:

Վերանալու մի պահ անմխիթար առօրյայից, Սևակը իր շատ գրչակիցների նման ներքին հայացքով դիտում է ժողովրդի պատմական ճանապարհը, փորձելով անցած-գնացած դեպքերի գուցադրությունից բխեցնել պատմության ներքին փիլիսոփայությունը: Այդպիսի ստեղծագործություններով Սևակը կապվում է դարասկզբին արևմտահայ պոեզիայում լայն տարածում գտած հեթանոսական ուղղության հետ: Այս դեպքում էլ, սակայն, ամենից առաջ աչքի են զարնում նրա ստեղծագործական խառնվածքի բնորոշ գծերը: Սևակը ոչ միայն զգացող, այլև խորհող բանաստեղծ է: Նրա լավագույն ստեղծագործություններն օժտված են փիլիսոփայական հարուստ ենթատեքստով: Գեղարվեստորեն վերաստեղծված ամեն մի իրողության ներսում Սևակը ձգտում է գտնել այն բնահանուրը, որով այդ իրողությունը կապվում է պատմության զարգացման օրինաչափությունների հետ: Այդպիսի դեպքերում դատողությունը գերակշռություն է ստանում ստեղծագործության մեջ ի հաշիվ հույզի և գեղարվեստական պատկերավորության: Բնորոշ օրինակ կարող են լինել «Առաջին հայերը», «Նահապետը»¹² անտիպ, ինչպես և մի քանի տպագրված գործեր:

Մայր ժողովրդի պատմական բախտին հետամուտ բանաստեղծին այդ ժողովուրդը ներկայանում է առաջին հերթին ստեղծագործ ու կենսահաստատ բնավորությամբ: Նրա ոգուն խորթ է կյանքի ժխտումը: Արհավիրքի օրերին ռազմի շեփորն է հնչեցրել նա, բայց չի մոռացել երբեք աշխարհաշեն հորովելը, միշտ՝

Հայր կը ցաներ, կոռոզեր առուն,
Քարավանը հաց կը կրեր հեռուն...

Այսպես է բարձրացել ու հանել հայի հայրենիքը՝ խաղաղ աշխատանքի երազով: Ազգային հոգեբանության այս գծերը ամեն մի հայ մարդու արյան մեջ են, կազմում են նրա էության մասը: Ահա տարագիր հայր, հալածված ու անտուն, քայլում է գլխիկոր «օտար աստղի տակ, օտար երկրին մեջ» («Հայ ծնունդ»): Ծնունդ է, ուրախության տուն, բայց ներքնապես լալիս է թափառական ծերունու սիրտը: Կուտակված ներքին դառնությունը դուրս է հորդում հանկարծ՝ դառնալով ահեղ մի բողոք՝ ուղղված անարդար աստծու դեմ, որ «սնանկ անուրջ», «խարուսիկ իղեալ» է հուշակվում վշտահար ծերունու կողմից: Ծնունդի անդորր երջանկությամբ ծփացող աշխարհի դեմ, իր վշտին անտարբեր մարդկության դեմ, սակայն, բարի ծերունին չի լցվում շարության թույնով, որ այս դեպքում կարող էր արդարացվել: Հոգին դառնացնող ցավը խեղդելով՝ նամոնջում է աղոթքի ավանդական խոսքերը:

Խաղաղություն ձեզ, արեւ, տեւ, տեւեկ,
Ձեր բույնին մեջ խունկ, խնձկեղ, կախարդանք...

11 Ի. Սևակ, Բժիշկին գիրքին փրցված էջեր և քերթվածներ, էջ 130:

12 Տե՛ս ԳԱԽ, Խ. Ազատյանի ֆոնդ:

Հայաստանը բանաստեղծին ներկայանում է անթիվ դարերի ծանրությունների ուսերի վրա կրող ալեհեր նահապետի այլաբանական կերպարով («Նահապետը»): Պատմության փոթորիկները միայն կնճիռներ են ավելացրել նրա մռայլ ճակատին, բայց անկարող են եղել ընկճելու նրան: «Հին, հին դուրեղանի մը նման հսկա», «ինչպես ինկած մի աստված»՝ նա շարունակում է դեռ ապրել ու շնչել: Ինչու: Ժողովրդի գոյության բուն իսկ հրաշքի մեջ է փնտրում Սևակն այս հարցի պատասխանը: Բանաստեղծի համոզմամբ ժողովրդի հոգևոր անկախության կովանը բոլոր ժամանակներում եղել է Լրբեք շմեռնող ազգային ոգին, ապրելու խոր հավատը: Եվ այստեղ տանջող մտահոգությունը կրկին պաշարում է նրան. արդյոք կենդանի՞ է դեռ այդ ոգին, չի՞ մեռել արդյոք ժողովրդի տոկուն հավատը, արդյոք անհետացման վտանգը չի՞ կախված նրա ճանապարհին: Պատահական չէ, որ Սևակը ծրարել էր իր ազգային-քաղաքական ստեղծագործություններն ամփոփել «Վերջին հայերը» ընդհանուր խորագրի տակ:

Սևակը տեսնում էր, թե ինչպես աշխարհով մեկ ցրված հայությունը, Լրբեքը հայրենի հողից, ճակատագրի հարվածների տակ կորցնում էր իր ազգային հոգեբանության անգնահատելի գծերը: «Նահապետը» անտիպ բանաստեղծության մեջ այդ իրողությունը ներկայացված է Նահապետի դստեր առեւժանգման փաստով: Վերջինս ժողովրդի հույսերի, ոգու և արժանապատվության սիմվոլն է:

Նրա առևանգումով կտրվում է այն միակ թելը, որ Նահապետին դեռևս կապում էր կյանքի հետ: Փշրվում է վերջին հույսը՝ բախվելով անողորմ իրականությանը, մեռնում է ոգին, օտարանում է հայրենիքը, և ժողովրդի զավակները լքում են իրենց օթևանը, ցրվում են աշխարհով մեկ՝ «փողոցի, բանտի, խաներու մեջ պատն երեսին մեռնելու»:

Անոնց ամենուն հետ, ամենուն մեջ
Նր մեռնի դառեր. դառերով անշեշ
Մեռ նահապետը...

Հայ ժողովրդի մարմինը հոշոտող դարավոր վերքն է սա՝ պանդխտությունը, որ տաղնապով է լցնում նաև հայրենասեր բանաստեղծի սիրտը՝ մայր ժողովրդի ապագայի հանդեպ: Հայ պոեզիայի ամենակենսունակ մոտիվներից մեկն, այսպիսով, դառնում է Սևակի բազմալար քնարին հարազատ մեղեդի:

«Վերջին հայերը» շարքի բանաստեղծություններն աչքի են ընկնում նաև ազգային արժանապատվության խոր գիտակցությամբ: Դրանք անիրավության, ժողովրդի մռայլ ճակատագրի դեմ ուղղված հոգեբույս պոռթկումներ են՝ երբեմն ծայրահեղ կրքով, բայց միշտ հասկանալի, եթե նկատի ունենանք այդ երգերի ստեղծման կոնկրետ դրդապատճառները:

«Ազդակ» շաբաթաթերթի խմբագրությանն ուղղված մի նամակում Սևակը գրում է. «Այս շաբաթ հելվետյան քաղաքական հանդեսի մը մեջ այս մասին (կիլիկյան կոտորածներին—Վ. Վ.) դառն, շատ դառն հեղնություն մը կար— «Աստված էշերը ստեղծեց անարգելու համար, հայերը՝ ջարդելու: Թուրքիո՛ւ մեջ ունե՞՞մ պիտի փոխվի — հայերու ջարդ. շերիա՞ն պիտի հաստատվի — հայերու ջարդ. սուլթա՞նը պիտի զահակալի — հայերու ջարդ: Բայց այս բոլորն այնքան տարօրինակ չէ մեզի համար, որքան այն հուսահատեցուցիչ «խելոթությունը», որով հայերը կ'ողջունեն այդ ջարդերը: Ն՞րբ այս ժողովուրդը պիտի»:

սորվի մարդկայնորեն կատղիլ... Ու իրավ,— ավելացնում է Սևակը,— մարդկայնորեն կատղիլ. այս տարրական առաքինությունը կրվի իսպառ հեռացած բլլալու հայու սրտեն»¹³:

Բանաստեղծը շատ խոր է խոցվել օտար հանդեսի կծու հեղնանքից ու չի կարողանում լուցնել իր մեջ վիրավորված ազգային արժանապատվության ձայնը: Իրավացի չեն օտարները. միշտ չէ, որ հայ ժողովուրդն ստիպված է եղել ենթարկվելու բռնակալ սրին. եղել է ժամանակ, երբ «վաշտերն Հոռմի բնկիլ են մի առ մի նրա դարշապարի տակ», երբ նա «հուժկու կորոտար անղղադ պատգամը» իր դրացի բարբարոս ազգերին: Զպետք է մոռանալ, վերջապես, որ հազարամյակներ շարունակ հայ ժողովուրդը տոկացել ու պահպանել է իր գոյությունը շնորհիվ մաքառող ոգու և անսպառ կենսունակության, չէ՞ որ նա

Արևմուտի և Ասիո դարավոր
Բնդհարման վկան է սոսկ. ահավո՛ր,
Հաբուր ազգերու շիրիմին վկան,
Մեռ երկրին վկան ուն ողջ, տիրակա՛ն...

Սևակը հպարտանում է իր ժողովրդի պատմությամբ, այն անթիվ հերոսամարտերով, որ մղել է նա աշատության և անկախության իր անվերջ ձրգտումների ճանապարհին: Բանաստեղծը վերհիշում է փառավոր անդյալի անմոռաց զրվագներ՝ կարծես ապացուցելու համար աշխարհին իր ժողովրդի ապրելու իրավունքը: Նվ կարծես ի պատասխան հողվածագրի հեղնանքին, Սևակը խոր հավատով ու հպարտությամբ ազդարարում է.

Ու երբ ուն երկրի վրա ազատության
Համար մեռին ափ մո մարտեր չնչին,
Անո՞նք պիտ ըլլան մարդկության վերջին,
Վերջին հալերո...

Այս պայծառ լավատեսությունն է, որ ապրելու իրավունք է տալիս Սևակի ազգային-քաղաքական ստեղծագործություններին:

НАЦИОНАЛЬНО-ПОЛИТИЧЕСКАЯ ЛИРИКА РУБЕНА СЕВАКА

В. А. КИРАКОСЯН

(Р е з ю м е)

В статье подвергаются критическому анализу национально-политические произведения Рубена Севака, являющиеся одной из основных частей его поэзии, определяется место и значение патриотической лирики поэта в едином процессе развития западноармянской поэзии начала XX в., показываются особенности литературно-общественной среды, главные тенденции развития поэзии того времени, обусловившие направление творчества Р. Севака. Особое внимание уделяется оригинальным чертам его политической лирики, тому новому идейно-художественному качеству, которым он, как художник, отличается от своих современников. Подробно анализируется тот факт, что Р. Севак национально-политический вопрос рассматривает в неразрывной связи с социально-классовыми задачами.